

ITLF BULLETIN

Issue No 36
11 November 2023

Ministry of Home Affairs le ITLF an in hmu



November 09, 2023 zingkar dar 10:30 velin Lamka HQ veng a Intelligence Bureau (IB) office ah Ministry of Home Affairs, New Delhi a'nthawkin Joint Director IB (NE) Dr. Mandeep Singh Tuli le SoO interlocutor A.K. Mishra le ITLF hai an inhmu. Hi huna hin Lamka District DC Dharun Kumar, Joint Director IB, Gnanasambandan le Asst. Director IB, Lamka Soiminthang Thangsing hai khawm an \hang.

ITLF in mithi vuina ding le inzawmin Joint Philanthropic Organisation (JPO) kuta sie an tâk leiin JPO hai le inhmu hmasa lem a nih. Ei pasal\hahai vûina ding le inzawmin hun sawttak hriltlângna nei a nih. Thutlûkna nei thei ani naw leiin zani khan inbiek sunzawmna nei nawk a nih.

Delhi a inthawka ei ram hung sirhai, Ministry of Home Affairs a hotuhai pahni hi ITLF \huoitu ha'n lo lawmlutnain puondum lo in bât tir an ni a. Liemtah August ni a New Delhi hmuna Union Home Minister Amit Shah le ITLF hotuhai inbiekna enawnna nei

a nih.

Tlangrama Meitei State Force-hai in um tir lo ding thu khawm enawnna nei a ni a, ITLF in State forces hai in um tir lo dingin phût nisien khawm Amit Shah in "State sunga rorelna po po ah Center-in thuneina a nei bik naw leiin, in harsatnahai ka hrietthiem a, chuleiin Meitei State Force-hai anni thu thu in hma la thei naw ni hai a, Central force keihruoina le enkaina hnuaiah an um ding" tiin alo hril ta sa kha a nih. Hi inbiekremna hi tulai hnai ela Moreh-a thiltlung a khan zâwm le zui a ni naw thu hai ITLF thuoitu haiin an hril. Hi le inzawmin MHA tiengin an thaw indiknaw thu le pawin an ti thu an hril. Hmatieng pei a hieng ang thil a tlung nawk ta naw na dingin thang anlak ding thu hai an hril a, Moreh-ah Kuki-Zo police officer \huoitu pakhat bêk sie tum ani thu Dr. Mandeep Singh chun a hril.

CBI le NIA-hai hmalakna le inzawmin lungawi a um naw thu le in enhrangna neia thil thaw ani dan thu hai ITLF in a hrilzawm a, Meitei tlanglakte

pahnih hai umna hrietlo nêka rapthlak lem Kuki-Zo ha'n ei tuok dan hai hrilin David Thiek, Tonsing hai nufa, Car wash a hai, Naked paraded-hai, MLA Vungzagin le a driver hai le a dang dang hai tarlang ani a, anni hai case CBI/NIA in an suizui naw thu hai intlun a nih. MHA chun justice hi an rengin an hmu ding a nih tiin an hril, a hmu hmasa le a hmu nuhnung deu hlek um sienkhawm, government a inthawkin Justice hi a um ve ve ding a nih, CBI le NIA hai khawm an nawr ding a nih tiin a hrilisa bawk.

Imphal Jaila intâng hai insuo ding le transfer ding hai le inzawmin ITLF in ngênna a pêkhai government in a sukpuiting ta hai chungah lawmthu a hril a, tuta jail a la um hai insuo le transfer ding hai bawzui dingin ngênna an siem.

Imphal valley a Meitei han ralthuom tamtak an inrukdwakna thuah, ralthuom hai la kir nawk dingin ITLF \huoituhai an nawr a, MHA hotuhai chun thang an lak zing thu an hril. Nangni khawmin Lamka a inrukdwak a um hai in pekkir ding a nih an tih a, hi le inzawmin ITLF thuoituhai chun Imphala mi ha'n an pekkir vawng ni niin an pekkir ding thu an hril.

IDP le Relief le inzawmin government a'nthawkin \hang an lâkdan ITLF in indawwna a nei le inzawmin Lamka DC-in \hang a lak dan hai le hmatieng pei a fe dan ding hai a hril. Thingtlang mi hai infêpawna dingin Lamka to Kangpokpi, Lamka to Moreh helicopter service ngênna siem a lo um ta sa chu ITLF hotuha'n bawzui dingin an hril.

AK Mishra kuomah political talks ngirhmun indawwna ITLF in a neia, a hrildânin SoO-hai le talks 2005 a'nthawka lo um ta chu sunzawm peiin, tuchenin SoO agreement le inzawmin government chite khawm an tawl nawh a, an la ngirnghet zing a nih tiin a hril. Tuta buoina um hnung hin SoO group in government kuomah separate administration definition hrilchiengna a nei a, demand khawm peklut an tah tiin a hril. Tuta ngirhmunah chu government approval nghak ani thu a hril. Political solution a um theina dingin peaceful environment a um phawt a pawimaw dan hai hrilin, democratic taka political demand ngenna thaw lem dingin infuina thu an hril. Government in Manipur a Kuki-Zo hai separate administration nei dinga an ditsak thu hai hrilin, hiengang solution um ding hin a

kakhaw a um ngei ngei hlak a, hienghai hi \hataka en fel anih a, chik taka ngaituo ngai ani leiin hun a lak met ding thuhai khawm hrilisa bawk anih. A iengpo khawm nisien government in government ringzova, a thei china separate administration ngenna a hin violence hmang lova, democratic means of protest nei lem dingin an mi ditsak thu hai an hril.

ITLF thuoitu hai chun "kei nin peace dit inla khawm kan hmelma han an mi attack hunah kan in defend a ngai a, hieng ang hunah hin violence a um pei anih a, peace tak a um theina ding chun solution a um hmasak a ngai a nih" tiin an hril.

Helicopter service le inzawmin khawma hohlimna nei anih a, tuta service a um tasa karkhata vawikhat nei ani a, vawihni bek ni thei sien tiin an hril. Tuta inthawkin thingtlang district dang Kangpokpi le Lamka to Moreh helicopter service le Union Home Minister le hril a um ta sa khawm an hung bawzui dinga ngen a nih.

Aizawl ah Zo United in Meeting a nei

Liemtah 08 November 2023 khan Zo United \huoituhai ha'n Mizo Upa Pawl (MUP) hai le meeting nei a ni a, hi hunah hin Zo United ha'n MUP chungah lawmthu an hril a, frontline mess thla iemani zat dai ding \hangpui dingin ngenna an siem nghâl bawk a nih.

Zantieng dar 5 in Aizawl Club a Zo United executive members, SoO groups, MLA le invitees \henkhat hai leh hohlimna nei a nih.

09 November 2023 in CYMA office ah Mizoram NGO Coordination committee le Zo United \huoituhai meeting nei a ni a, hmatieng pei a \hanglak dân ding hriltlang na an nei.



Tenngnoupal thangpuina

Liemtah 1st November 2023 ni a Zo United in Philanthropic organization hai kuomah Tengnoupala ei unauhai \hangpui dinga ngenna a siem dungzuiin Young Vaiphei Association (YVA) in Rs 1,40,080 le bufai Kg 3120 an dawl dawka, Young Paite Association (YPA) in Rs 5,20,801, bufai bag 40, puonbat le kekawr bag 48, thau bottle 60 an dawl dawka a nih. Kuki Khanglai Lawmpi (KKL) an inthawkin bufai bag 200, Hmar Youth Association (HYA) a inthawkin bufai bag 15, dal bag 5, thau tin 2 le machi bag 1. Mate Tribe Council (MTC) a inthawkin Rs 20,000, Gangte Youth Organisation (GYO) a'nthawkin Rs 4000 le bufai bag 8 \hangpuina a lut a, Zou Youth Organisation (ZYO) a'nthawkin bufai bag 69 le dal bag 1 a lut bawka a nih.

IG AR le meeting nei

Liemtah 08 November 2023 zantieng dar 7:30 in Sector 27 AR, Tuibuong a IGAR General Rajan Sherawat in ITLF \hangsain CSO dang dang hai inhmupuina a nei. Hi hunah Manipur a "Cycle of violence" hi iengtin am sukbo ni thei a ta" ti thupui hmangin hriltlangna nei a nih. CSO an thawkin Manipur a violence a bona ding in CM Biren Singh inban tir hmasa nisien, chun a rawihai Arambai Tenggol hai man nisien ti an hril a, phaiyah AFSPA sie nisien ti hai an hrilpui a nih.

General Rajan Sherawat in violence tawpsan a democratic taka demand thaw lem dingin ngenna a siem. Moreh tienga Meitei commando hai hmalakna an thlawp nawh a, hmatieng pei ah \hataka hma an lak ding thu a hril.

Thangpuina a hung lut

ITLF Relief & Medical department kuomah \hangpuina a hung lut sunzawm pei a, 04 November 2023 ni in Lamka Second Hand belt Trader a inthawkin bufai bag 40 \hangpuina a hung lut a, EAC a inthawkin bufai bag 5, Parish Pastoral Council, Good Shepherd Parish Lamka a inthawkin bufai bag 50, dal bag 30 le blanket 960 a hung lut a nih.

10 November 2023 zingtieng dar 7:20 am velin Sugnu area sung a um Leisan, G.Songgel le Kanaanphai hmunhai Arambai Tenggol cadres han an hung kap, Bomb le mortar an hmang leiin mipui a sukthlabar hle a nih.

Hi hmun a hai hin Assam Rifle um haiin Arambai Tenggol hai an hung intawl pei ding an dang a, an hung lut theinaw phingleh a kawh hnai a Meitei khuo ah an kir. Report ei dawng chenah hin thi le hliem an um hriet a ni naw a nih.

Dharna Sunzawm pei a nih

ITLF Women Wing keihruoina hnuoiah lungawinaw zie suklangnain kartin nuorna/dharna chu tluongtakin ala fe zawm pei anih. Liemtah 9 November 2023 ni a hun hmangna ITLF Women Wing a'nthawkin Nu Manliankim le Julie Mawi hai \huoina in hun hmang a ni a, Andhra Pradesh a'nthawkin chanchin\ha hril dingin Pastor Mandhukar le a team hai an hung a nih. May 3 buoina in\an a'nthawkin an kohran ha'n tawngtainaa an mi hung hrietzing hlak thu hai hrilin Relief Camp a ding blanket 700 chuong Relief Camp umna hmunhai a an peksuok tah thu an hril. Tuta hi an vawihni hung na a nih tiin an hril. Ei ringna Isu a innghat a pawimaw hlê anih tiin mipui fekhawm hai an infui a nih. Anni hung puitu Thansang Guite in \awng an let pek a, Dr. Pautinthang Chongloi khawmin a hung zui a nih.

Motivation speech Rev. Dr. Mark Ai, Associate Prof. Parish Priest, Tuibuong in harsatna hmasuon in Pathien hmel ei hmu ding ti a hril a, Hun hmang ani lai hin Master Behnavi Gangte (9) in Rimawi le inpakna hla a sak a, Kanaan veng Unit ai-aw in Nunghak Nemzopuiin inpakna hla sak bawka a, an zai rimawi in mipui hai a suklawm hle a nih. Nu Thiemnu-in hunkhâr \awng\aina a nei zovin hun hmang khâr a nih.



COMING SOON

IN PHOTO MATTE PAPER QUALITY

₹599
ONLY



#MANIPUR MAYHEM KEY PLAYERS & EVENTS

A BOOK BY INDIGENOUS TRIBAL LEADERS' FORUM (ITLF)

FEATURES

THE TRIBAL NARRATIVES - STORIES FROM VICTIMS - DAILY INCIDENT REPORTS
ARTICLES FROM GUEST WRITERS - POEMS - STATISTICS - AND MANY MORE

UPDATED TILL 10 NOVEMBER 2023



150
CONFIRMED DEATHS



200
VILLAGES BURNED



7000+
HOUSES BURNED



360
CHURCHES BURNED



41425
DISPLACED PERSONS



204
RELIEF CAMPS

RELIEF SUPPORT

Office: ITLF Secretariat, Hiangtam Lamka

Contacts:

Mangcha Thangzom – 8837368373 (Convenor)

V. Gouthianmuan - 9862086583 (Co-Convenor)

FINANCIAL SUPPORT

ITLF Joint Bank Account:

Name: Henkhopao Haokip & N. Vialkhanthang

Account No: 41912626404

IFSC: SBIN0064016 | Bank: SBI Salbung Branch